




ხაშურის მთაშუა



№6

13 ივლისი, ორშაბათი, 2015 წელი

ხაშურის მუნიციპალიტეტის საკრებულოს სესია

6 ივლისს, ადმინისტრაციული სახლის სხდომათა დარბაზში, გაიმართა მუნიციპალიტეტის საკრებულოს რიგითი სესია. სესიას უძღვებოდა საკრებულოს თავმჯდომარე ვაჟა შუბითიძე.

სესიაზე საკრებულოს წევრებმა, აუცილებლობიდან გამომდინარე, ცვლილებები შეიტანეს საკრებულოს მიერ ადრე მიღებულ რამდენიმე დადგენილებაში; დაამტკიცეს მუნიციპალიტეტის ტერიტორიაზე ქუჩების, ხეივნების, შესახვევების, ჩიხების, მოედნების, სკვერების, მრავალბინიანი სასკოლო საკუთრებაში არსებული მიწის ნაკვეთების ნუმერაციის წესი; მიიღეს დადგენილება საკრებულოს წევრების (გარდა საკრებულოს თანამდებობის პირებისა) უფლებამოსილების განხორციელებასთან დაკავშირებულ ხარჯების ანაზღაურების შესახებ.

ამავე სესიაზე საკრებულომ თანხმობა მისცა მუნიციპალიტეტის

გამგებელს, ბიუჯეტის სახსრებით, სპეციალური საგანმანათლებლო საჭიროებების მქონე მოსწავლე-თათვის და სატელევიზიო პროექტში „ეტალონი“ გამარჯვებული მოსწავლისათვის კომპიუტერების უვადო სარგებლობაში გადაცემის თაობაზე. ასევე თანხმობა მიეცა სსიპ „სასწრაფო სამედიცინო დახმარების ცენტრი“-ისათვის მუნიციპალიტეტის საკუთრებაში არსებული ქონების (სტატისტიკის სამსახურის შენობა) უსასყიდლოდ გადაცემის თაობაზე.

სესიაზე საკრებულოს წევრებმა მოისმინეს და დაამტკიცეს მუნიციპალიტეტის გამგეობის განათლების კულტურის და სპორტის სამსახურის აგრეთვე გამგეობის ჯანმრთელობის დაცვისა და სოციალური უზრუნველყოფის სამსახურის მიერ 2014 წელს გაწეული მუშაობის ანგარიშები.

სესიაზე განხილული იქნა სხვა მიმდინარე საკითხებიც.

ხაშურში საჯარო რეესტრის ოფისი ოფიციალურად გაიხსნა

9 ივნისს, ხაშურში, ადმინისტრაციული სახლის პირველ სართულზე ოფიციალურად გაიხსნა საჯარო რეესტრის სარეგისტრაციო სამსახურის ოფისი.

ახალგარემონტებული ოფისი აღჭურვილია თანამედროვე კომპიუტერული ტექნიკით, საოფისე ინვენტარითა და ინტერნეტით. დანერგილია ყველა ელექტრონული პროგრამა, რაც სარეგისტრაციო სამსახურში მოსულ მოქალაქეებს საჯარო და სამოქალაქო რეესტრის ნებისმიერი მომსახურებით, სწრაფად, მარტივად და კომფორტულად სარგებლობის საშუალებას აძლევს. სარეგისტრაციო სამსახურში ასევე ფუნქციონირებს საქართველოს ბანკი, რომლის ოპერატორები ადგილზე მოახდენენ სარეგისტრაციო მომსახურებისათვის კანონით დაწესებული საფასურის გადახდას.

ოფისის ოფიციალურ გახსნას ესწრებოდნენ საჯარო რეესტრის თავმჯდომარე პაპუნა უგრეხელიძე, რეესტრის თავმჯდომარის მოადგილე აღექვანდრე თველორაძე, გუბერნიისა და ადგილობრივი ხელისუფლების წარმომადგენლები.

სარეგისტრაციო სამსახურების რეკონსტრუქციისას განსაკუთრებულ ყურადღებას მოქალაქეთა მომსახურების დახვეწაზე მახვილებთ. ჩვენთვის მნიშვნელოვანია, რომ მოქალაქე მომსახურება კომფორტულ გარემოში მიიღოს და ასევე, საავენტოს მომსახურე პერსონალს მუშაობისთვის ხელსაყრელი პირობები შექმნილი. ვფიქრობთ, ამ მხრივ, ხაშურის ოფისს



დღესასწაული, რომელიც მუდამ ჩვენთან არის

არა, ქვემოთ არც ჰემინგუეზე და არც პარიზზე არ გვინდა ვწეროთ. ამ კალსიკოსის სიტყვები სულ სხვა კონტექსტისთვის გამოვიყენეთ. იმ ფოლკლორულ დღესასწაულზე გიყვებით, რომელიც 5 ივლისს სურამში გაიმართა და ყველა ალაფრთოვანა. მართლაც საოცარი ფენომენია ქართული ფოლკლორი და ძნელად მას, მსოფლიო მასშტაბითაც კი, „ტოლ-სწორი“ მოეძებნოს. ფესტივალზე ქვემოთ მოგითხრობთ, ჩვენ კი მხოლოდ დავსძენთ: გულით ვუთანაგრძნობთ ყველას, ვინც, რადაც მიზეზით, ამ დღესასწაულს დააკლდა, რადგან მან ბევრი დაკარგა. და ერთიც: სხვისი არ ვიცი და პირადად მე, საოცრად ამაყი ვიყავი ფესტივალის დასრულების შემდეგ. ამაყი, რომ ჩემს რაიონს შესძლებია ასეთი მასშტაბის ზემის მასპინძლობა.

შესძლება და მერე როგორ! ბრწყინვალე ორგანიზება, საოცარი გარემო, შესანიშნავი ანსამბლები, ადფრთოვანებული ათასობით მაყურებელი... მათლაც დიდებული დღე იყო. ბრავო ყველას და მადლობა მუნიციპალიტეტის ხელმძღვანელებს, რომლებმაც ეს დღესასწაული გვაჩუქეს, მადლობა კულტურის სამსახურის მთელ შემადგენლობას, რომელთა „თავზე გადაიარა“ ურთულესმა საორგანიზაციო საკითხებმა და მადლობა, რა თქმა უნდა, არტ-გენის დამფუძნებლებს, რომლებმაც გვიძღვნეს ეს საჩუქარი. ისლა დაგვრჩენია, რომ იმედი გამოვთქვათ და ვისურვოთ, რომ ეს არ იყო ერთჯერადი საჩუქარი და სურამი მომავალ წელსაც უმასპინძლებს ამ დიდებულ დღესასწაულს. გ. გოგოლაძე



ქართული გენის გაელვება სურამში

5 ივლისს, სურამმა დიდი პატივით მიიღო და უმასპინძლა "არტ-გენის" ფესტივალს. იმერეთის შემდეგ, ფესტივალის ორგანიზატორებმა მთლიანად შიდა ქართლი სურამის სივრცეში მოაქციეს. ხაშურის მუნიციპალიტეტის გამგეობის მხარდაჭერით და თანადაფინანსებით, ფესტივალი შედგა!

ხაშურის კულტურის სამსახურმა, ყველაფერი გააკეთა იმისათვის, რომ სურამში ნამდვილი ქართული, თანამედროვე და ისტორიული საქართველო გაშლილიყო. აქ ნახავდით ტიხრული მინანქრის, თექის ნამუშევრებს, ნახატებს, ხეზე კვეთას, სკოლებს, სკაღიგრაფისტებს, პოეტებს საკუთრი შემოქმედებით. ერთმანეთს ენაცვლებოდა ქართული ფოლკლორული მრავალხმიანობა, ინდივიდუალური შემსრულებლებისა და ანსამბლების სახით. იყო ყველაფერი ქართული... სახელდახელოდ დამცხვარი ხატაპურები, ურემზე გაწყობილი წითელლოყება ნაზუქები, მწვადის სუნით გაუღვნილი სურამის ფიჭვნარი, გულწრფე

(გაგრძელება II გვერდზე)

მეფეთმეფესთან კარისკაცის დაპირისპირებას ჰგავს ჩემნაირი რიგი-
თი მოქალაქის მიერ კონსტიტუციაში დაკანონებული წესწილობის
კრიტიკა, მაგრამ იმის გათვალისწინებით, რომ მიმდინარეობს მს-
ჯელობა საქართველოს კონსტიტუციაში ცალკეული ცვლილებების შე-
ტანის შესახებ, შესაძლებლად მივიჩნევ გარკვეული მოსაზრებების გამოთქმა.

სამწუხაროდ, ჩვენი ქვეყანა ისეთ ოჯახს დაემსგავსა, სადაც ყველა თა-
ვისას ყოფიანებს და ვერ გაუგიათ, ოჯახის უფროსი ვინ არის. ქვეყნის დღე-
ვანდობა სახელმწიფოებრიობის არცერთ ფორმაციას არ მიესადაგე-
ბა. საბაზრო ეკონომიკის განვითარებას კაპიტალიზმის რესტრუქციას არ
უწოდებენ, თუმცა, რომელ კაპიტალიზმზეა ლაპარაკი, როცა ასანთი და კალ-
მისტარი ვერ გვიწარმოებია. ქვეყნის განვითარების ეკონომიკური საფუძე-
ლების შექმნის ნაცვლად იმპორტით შემოგვაქვს ისეთი პროდუქტები, რო-
გორცაა ტომატი, მწილეულები, საწებლები, წველების ნაირსახეობანი და სხვა.

გაბაზრებულ ქვეყანაში ვიგინდარებს უფლება მიეცათ ერთ ლარად გაეყიდათ
ან სულაც გაეჩუქებინათ მშრომელი კაცის ოფლით შექმნილი მილიონიანი ქონე-
ბანი და ქართველი კაცის სისხლით შენარჩუნებული სამშობლოს მიწა. საუბედ-
უროდ, სახელმწიფოებრიობა ერთგული ინტელექტუალური პოტენციალი.

ქვეყანაში უმნიშვნელოვანესი საკანონმდებლო აქტების გამოცე-
მა დამოკიდებული იყო ამპარტავანთა სიზმრებზე. ყველაზე ძლიერი
დარტმა კი კონსტიტუციამ განიცადა. 2004 წლიდან 2013 წლამდე გამო-
იცა 26 კონსტიტუციური კანონი, რომლითაც კონსტიტუციის 109 მუხლი-
დან ცვლილებები განიცადა 66 მუხლის 140 პუნქტმა, მათგან 2010 წელს
52-მა. ვითომც ნორმალურია, როცა ყოველ წელს ცვლილებები შედის კონ-
სტიტუციაში? ასეთი კი 2006, 2008 და 2012 წელს მოხდა ოთხ-ოთხჯერ.

რა აუცილებლობით იყო გამოწვეული მე-3 მუხლში მე-5 პუნქტის დამატე-
ბა, სადაც ვკითხულობთ: „ქალაქ
ლაზიკის სტატუსი და უფლებამო-
სილებანი განისაზღვრება კანო-
ნით“. სად არის ქალაქი ლაზიკა?

რა სარგებლობა მოუტანა საქა-
რთველოს 48¹ მუხლის პირველმა
პუნქტმა, რომელმაც დაადგინა, რომ „საქართველოს პარლამენტის ადგილსამე-
ოფელია ქალაქი ქუთაისი“. ამით დედაქალაქი გამოვიგნეს უპირველესი პოლიტი-
კური ფუნქციიდან და ვერც ქუთაისი გადააქციეს ზეციურ იერუსალიმად. გარდა
ამისა, ჯერ არავის დაუთვლია ის მატერიალური დანახარჯი, რომელსაც იწვევს
ათობით დეპუტატთა და სხვათა გადაადგილება თბილისსა და ქუთაისს შორის.

ჩემთვის სრულიად მიუღებელია კონსტიტუციის 81¹ მუხლის პირ-
ველი პუნქტი, სადაც წერია: „აღმასრულებელი ხელისუფლების წარ-
მომადგენლობას საქართველოს ადმინისტრაციულ-ტერიტორიული ერ-
თეულებში უზრუნველყოფს სახელმწიფო რწმუნებული-გუბერნატორი“.

კი მაგრამ, ვინ დაყო საქართველო გუბერნიებად, რომ მის მმართველს გუბერ-
ნატორი ვუწოდოთ? ან როგორ გავიგოთ „საქართველოს ადმინისტრაციულ-ტერი-
ტორიული ერთეულები?“ ყველა დასახლებული პუნქტი ან პუნქტთა ჯგუფი
წარმოადგენს ასეთ ერთეულს და რაში ჭირდება საქართველოს რამდენიმე
ასეული ან ათეული გუბერნატორი, ან რა უჯდება ამ გაძვალტყავებულ ქვეყანას
მათი მმართველო-
ბითი აპარატების
შ ე ნ ა ხ ვ ა ?



თუ რუსულ
გუბერნიებს ვე-
დრებით, ისიც
გ ა ვ ი თ ვ ა ლ ი ს -
წინოთ, რომ საქა-
რთველოში ხუთ
მ ი ლ ი ო ნ ა მ დ ე
ა დ ა მ ი ა ნ ი ც ხ ო ვ
რობს და მარ-
ტ ჯ. მოსკოვში
ათზე მეტი. რუსე-
თის ნებისმიერი
გუბერნია რამ-
დენჯერმე მეტია
მთელ საქართ-
ველოზე ტერიტო-
რითაც და მო-
ს ა ხ ლ ე ო ბ ი თ ა ც .

წარსულის კრიტიკა ადვილია, მაგრამ არც მისი დაეიწყება შეიძლება. გვახსოვს
ჩვენი ყოფილი პრეზიდენტი, როგორ ანიჭებდა საქართველოს მოქალაქეობას
ერთდროულად ათეულობით მოქალაქეს, რომლებსაც არავითარი განსაკუთრე-
ბული დამსახურება არ გააჩნდათ ჩვენი ქვეყნის წინაშე და არც სახელმწიფოს
ინტერესებიდან გამომდინარეობდა იგი, როგორც ამას კონსტიტუცია მოითხოვს.

კონსტიტუციას არ ეკადრება კრიტიკა, მაგრამ როცა 36-ე მუხ-
ლის მე-3 პუნქტით ადგენს, რომ „დედათა და ბავშვთა უფლებები დაცუ-
ლია კანონით“-ო, რატომ არ ითვალისწინებენ მამათა უფლებებს, რო-
მელსაც უნდა შეიღოს მონახულოს, მაგრამ ყოფილი ანხელი ცოლი ამის
უფლებას არ აძლევს? მეონი ეს მუხლი აქვე უნდა შესწორდეს და ჩაი-
წეროს რომ „მშობელთა და ბავშვთა უფლებები დაცულია კანონით“.

ასევე, ძნელია დაეთანხმო 52-ე მუხლის პირველ პუნქტს, სადაც ვკითხულობთ:
„საქართველოს პარლამენტის წევრი არის სრულიად საქართველოს წარმომად-
გენელი, სარგებლობს თავისუფალი მანდატით და მისი გაწვევა დაუშვებელია“.
ისიც კი არ წერია, რომ მისი გაწვევა შეიძლება კანონით გათვალისწინებულ
შემთხვევებში. სრულიად საქართველოს წარმომადგენელი პრეზიდენტია. პარ-
ლამენტის წევრი კი მოსახლეობის მცირე ნაწილის წარმომადგენელია. იგივე მუხ-
ლის მეორე პუნქტი კრძალავს პარლამენტის წევრის დაპატიმრებას, ჩხრეკას და
ა.შ. პარლამენტის ნებართვის გარეშე, გარდა განსაკუთრებული გამონაკლისისა.

ე ს ე ც შ ე ნ ი კ ა ნ ო ნ ი ს წ ი ნ ა შ ე თ ა ნ ა ს წ ო რ ო ბ ა .

კანონთა კანონი ყველა საკითხს ვერ დააკონკრეტებს, ეს ცალკეული
ორგანული კანონებისა და ქვესაკანონმდებლო აქტების საქმეა, მაგრამ მი-

უღებელია ის, რომ მრავალი დებულება ზოგადია და იძლევა სხვადასხვაგ-
ვარ ინტერპრეტაციის შესაძლებლობებს, მაგალითად: 43-ე მუხლი ამბობს:
„საქართველოს ტერიტორიაზე ადამიანის უფლებათა და თავისუფლებათა
დაცვას, ზედამხედველობას უწვევს საქართველოს სახალხო დამცველი“...
იქვე, მე-2 პუნქტში ვკითხულობთ: „სახალხო დამცველი უფლებამოსილია გა-
მოავლინოს ადამიანის უფლებათა და თავისუფლებათა დარღვევის ფაქტები,
შეტყობინოს ამის შესახებ შესაბამის ორგანოებსა და პირებს“. გამოდის,
რომ უფლება აქვს გამოავლინოს და არა ვალდებულია. კი მაგრამ, სხვა
თანამდებობის პირებს ვინ უკრძალავს ასეთის გამოვლინებას და შეტყობინე-
ბას? სახეზე გვაქვს სამართალდამცავ ორგანოთა ფუნქციებთან პარალელიზმი.

სამწუხაროდ, კონსტიტუციის ბევრი მუხლი არის ზოგადი და ბუნ-
დოვანი, რომლის იქითაც არ იკითხება არც მოქალაქის და არც სახელმ-
წიფოს უფლება-მოვალეობანი. მაგ: 30-ე მუხლის პირველი პუნქტი ორად
ორი სიტყვით ამბობს: „შრომა თავისუფალია“. მორჩა და გათავდა.

კონსტიტუცია განსაზღვრავს მოქალაქეთა უფლებებს და თავისუფლებებს,
მაგრამ გამონაკლისის გარდა, სახელმწიფო არ კისრულობს ვალდებულებებს ამ
უფლებათა განხორციელების უზრუნველყოფის საქმეში, არამედ, ზოგადად ამბობს,
რომ სახელმწიფო „მხარს უჭერს“, „ეხმარება“, „ზრუნავს“, „ხელს უწყობს“ და ა.შ.

კონსტიტუციამ, მიუხედავად მრავალჯერადი ცვლილებებისა, ვერ შეძლო ხე-
ლისუფლების უმაღლეს შტოთა უფლება-მოვალეობათა იმ დონემდე გამიჯვნა, რომ
თავიდან აეცილებინა ფუნქციითა აღრევა, ვეღარ გაუგიათ იერარქიის ვინ რომელ
საფეხურზე დგას. ეს მოდელი, უბრალოდ, საბავშვო აიწონა-დაიწონას სათანა-
შოს დაემსგავსა, რაც არ იძლევა შესმატბილებულად მუშაობის საშუალებას.

მაგალითისთვის შეგახსენებთ რამდენიმე მუხლს. მუხლი 48 პარლამენტი „...
განსაზღვრავს ქვეყნის საშინაო და საგარეო პოლიტიკის ძირითად მიმართულე-
ბებს“...; მუხლი 69 პრეზიდენტი
„...წარმოადგენს საქართველოს
საგარეო ურთიერთობებში...“;
მუხლი 78 საქართველოს მთავ-
რობა „...ახორციელებს საშინ-
აო და საგარეო პოლიტიკას“.

ისმის კითხვა: რატომ განსაზღვრავს აბსტრაქტულად თუ არ-
ავის ავალეებ კონკრეტულად, რატომ წარმოადგენს თუ ვერ ახ-
ორციელებს და როგორ ახორციელებს თუ არ წარმოადგენს?

ახლა მოკლედ შევეხები უმაღლეს თანამდებობის პირთა უფლებამოსილებათა
გადახლართულობებს, მაგალითად: 73-ე მუხლის „გ“ ქვეპუნქტით პრეზიდენტი
„კონსტიტუციით განსაზღვრულ, შემთხვევებში წარმოადგენს პრემიერ-მინისტრის
კანდიდატურას და ნიშნავს პრემიერ-მინისტრს“. 69-ე მუხლის პირველი პუნქტით
პრეზიდენტი „...არის საქართველოს სახელმწიფოს მეთაური, ქვეყნის ერთიანო-
ბისა და ერთგული დამოუკიდებლობის გარანტი“... იგივე მუხლის მე-2 პუნქტი
ამბობს: „საქართველოს პრეზიდენტი არის საქართველოს სამხედრო ძალების
უმაღლესი მთავარსარდალი“, ხოლო იგივე მუხლის „ქ“ პუნქტით „დაითხოვს პარ-
ლამენტს კონსტიტუციით განსაზღვრულ შემთხვევებში და დადგენილი წესით“.

ახლა ვნახოთ, როგორ არის შებოჭილი მისი უფლებამოსილებანი.
ამონაწერები კონსტიტუციის 73-ე მუხლიდან: „მთავრობასთან შეთანხმე-
ბით აწარმოებს მოლაპარაკებებს სხვა სახელმწიფოებთან და საერთაშორისო
ორგანიზაციებთან, დებს საერთაშორისო ხელშეკრულებებს და შეთანხ-
მებებს; მთავრობის წარდგინებით ნიშნავს და ათავისუფლებს საქართველოს
ელჩებს და სხვა დიპლომატიურ წარმომადგენლებს; მთავრობასთან შეთანხ-
მებით იღებს სხვა სახელმწიფოთა და საერთაშორისო ორგანიზაცია-
თა ელჩების და სხვა დიპლომატიური წარმომადგენლობის აკრედიტაციას“;

„უფლებამოსილია მთავრობის წარდგინებით, პარლამენტის თანხმო-
ბით შეაჩეროს თვითმმართველობის ან ტერიტორიული ერთეულების სხვა
წარმომადგენლობითი ორგანოების საქმიანობა, ან დაითხოვოს ისინი შე-
თანხმებით...“ „ნიშნავს ერთგული უშიშროების საბჭოს წევრებს, მთავ-
რობასთან შეთანხმებით თანამდებობაზე ნიშნავს და თანამდებობიდან
გადააყენებს საქართველოს შეიარაღებული ძალების შტაბის უფროსს,
სხვა მხედართმთავრებს“. 73¹ მუხლი ადგენს: „საქართველოს პრეზიდენ-
ტის სამართლებრივი აქტები, გარდა საომარი მდგომარეობის დროს გა-
მოცემული აქტებისა, საჭიროებს პრემიერ-მინისტრის კონტრასიგნაციას“.

ბატონო მკითხველო, ზოგადი სიტყვები, როგორცაა „სხვა დიპლო-
მატიურ წარმომადგენლებს“, „სხვა მხედართმთავრებს“, „თანხ-
მობით“ და მისთანანი, ქმნიან გაუგებრობისა და კინკლაო-
ბის საფუძველს. რა დონის თანამდებობანი იგულისხმება „სხვა“-ში

შორს წაგვიყვანდა მსჯელობა ერთგული ბანკის პრეზიდენტის დანიშნე-
ნა-გადაყენება-ანგარიშვალდებულებების შესახებ, ასევე, პარლამენტის მიერ
პრეზიდენტის გადაყენების, პრეზიდენტის მიერ პარლამენტის დათხოვნის, ვე-
ტოს გამოყენება-დაძლევის შესახებ, მაგრამ ერთი კი აუცილებლად უნდა აღინ-
იშნოს, მე-80 მუხლის მე-7 პუნქტში ვკითხულობთ: „...თუ პარლამენტი ნდობას
ვერ გამოუცხადებს მთავრობის შემადგენლობას, საქართველოს პრეზიდენ-
ტი 3 დღის ვადაში დაითხოვს პარლამენტს და დანიშნავს ახალ არჩევნებს“.
ეს მეკვრადმოხილი მუხლია. ასეთი რამ საქართველოში არც მომხდარა
და არც მოხდება. პარლამენტარები თავის სავარძლებს როგორ შეეღვივებენ?

კონსტიტუციაში უფრო მეტი ნორმითაა გათვალისწინებული მოქა-
ლაქეთა უფლებები, ვიდრე სახელმწიფოს წინაშე მათი ვალდებულებები.

ვითომც რითაა მიუღებელი 101-ე, 34-ე, 37-ე და 44 მუხლები, რომლებიც
ავალდებულებენ მოქალაქეებს საქართველოს დაცვას, კულტურული მემ-
კვიდრობის შენარჩუნებაზე ზრუნვას, ბუნებრივ და კულტურული გარემოს გა-
ფრთხილებას საქართველოს კონსტიტუციისა და კანონმდებლობების დაცვას.

ამ წერილში ვსვამ კითხვას: ნუთუ ყირაზე დააყენებდა ქართულ დემოკრა-
ტიას, თუ კონსტიტუციაში მოქალაქეთა საარჩევნო უფლების აღიარების
პარალელურად გაითვალისწინებდით მათ დავალდებულებასაც სახელმ-
წიფოს ნებისმიერი დონის წარმომადგენლობითი ორგანოების არჩევნებში
მონაწილეობაზე, და აქვე შემომაქვს წინადადება, რომ ასეთი ვალდებულე-
ბა კანონით დაეკისროს ყველა მოქალაქეს, ვისაც აქვს კენჭისყრის უფლება

ჯანონთა ჯანონის შექჩხიცილები

(დასასრული)

კონსტიტუციის 73¹ მუხლი საფუძველს უყრდა სააკაშვილის გაპუტინებას, როცა პრემიერ პუტინს შეეძლო პრეზიდენტი მედვედევი თავის ჭკუაზე ეტარებინა. ამ მუხლით დადგენილია, რომ „საქართველოს პრეზიდენტის სამართლებრივი აქტები, გარდა საომარი მდგომარეობის დროს გამოცემული აქტებისა და ამ მუხლის მე-2, მე-4 პუნქტებით გათვალისწინებული შემთხვევებისა, საჭიროებს პრემიერ-მინისტრის „კონტრასიგნაციას“, თუმცა, ასეთი არ ესაჭიროება აქტებს, რომლებიც გამოცემულია მთავრობის წარდგინებით,ან რომლებზედაც მთავრობას მიცემული აქვს წინასწარი თანხმობა. სააკაშვილი წავიდა, 73¹ მუხლი კი დარჩა.

ასე აურ-დაურია მრავალჯერ შეცვლილმა კონსტიტუციურმა კანონებმა პრეზიდენტისა და პრემიერის უფლებანი. სხვაგვარად როგორ გავიგოთ ის, რომ პრეზიდენტი მთავარსარდალია და თავდაცვის მინისტრს ნიშნავს და ათავისუფლებს პრემიერს, პრეზიდენტი წარმოადგენს „საქართველოს საერთაშორისო ურთიერთობებში“ და საგარეო საქმეთა მინისტრს ნიშნავს პრემიერი. პრეზიდენტი მთავრობასთან შეთანხმების გარეშე ვერ ნიშნავს დიპლომატებს და მაღალჩინოსან სამხედრო მეთაურებს. პრეზიდენტთან არ მიდიან მინისტრები, პრეზიდენტის პარლამენტის წინაშე ყოველწლიურ ანგარიშს არ ესწრება მთავრობა, პრეზიდენტი მთავრობასთან შეთანხმების გარეშე ვერ აწარმოებს მოლაპარაკებებს სხვა სახელმწიფოებთან და საერთაშორისო ორგანიზაციებთან, ვერ დებს საერთაშორისო ხელშეკრულებებსა და შეთანხმებებს და ასე შემდეგ. ძალაუფლება ერთი კაცის ხელში არ მოექცესო და ახლა იმდენ ხელშია, რამდენიც კაცია.

მე რომ კანონმდებელი ვიყო, საკონტრასიგნაციო აქტებზე დავაწესებდი ორივე მხარის, პრეზიდენტის და პრემიერის ხელმოწერას. ამით ავიცილებდი ურთიერთგადაბრალების შესაძლებლობებს.

თუ არ ამოტრიალავ კარგი იქნება მათქმევინოთ, რომ ასეთ შემთხვევაშიც კი ბიჭუნები კამათს და ბუტიაობას დაიწყებენ თუ ვინ მოაწეროს ხელი მარჯვნივ, ვინ მარცხნივ, ვინ მაღლა და ვინ დაბლა. ასეთ შემთხვევებში უპირატესობა ენიჭება პირველ პირს. თუ ვერ გაუგიათ ვინ პირველია და ვინ მესამე, ცუდად ყოფილა მათი საქმე და ორივენი დაიმსახურებენ პანდურს.

ჩემთვის მიუღებელია 67-ე მუხლი, რომელიც საკანონმდებლო ინიციატივის უფლებას ანიჭებს 30000 (ოცდაათი ათას), ხოლო რეფერენდუმის დანიშვნის შესახებ კი 74-ე მუხლი 200000 (ორასი ათას) ამომრჩეველს.

ქვეყნის ხელისუფლება ისე არ უნდა დაყრუვდეს და დაბრმავდეს, რომ ათი ათასობით მოქალაქეს დასჭირდეს თავისმტვრევა და ხელმოწერების გროვება მნიშვნელოვანი საკითხების საკანონმდებლო დონეზე განხილვისათვის. ბოლოს და ბოლოს, საკითხის განხილვა ხომ მის დადებითად გადაწყვეტას არ გულისხმობს?

მნიშვნელოვანი საკითხები მოსახლეობასთან შეხვედრებისას უნდა გამოიკვეთოს და არა მარტო ათიათასობით გალიზიანებული მოქალაქის მოთხოვნაში.

საჭიროა კანონმდებელმა უფრო კონკრეტულად გამოიხოს პრეზიდენტისა და პრემიერის უფლებები. პრეზიდენტი, როგორც საქართველოს სახელმწიფოს მეთაური ქვეყნის ერთიანობისა და დამოუკიდებლობის გარანტი ზოგადად უნდა უზრუნველყოფდეს სახელმწიფოს ყველა ორგანოთა ფუნქციონირებას, მაგრამ მისი მოღვაწეობის ძირითად ფუნქციებში უნდა შედიოდეს ქვეყნის საგარეო ურთიერთობათა და თავდაცვასთან დაკავშირებული საკითხები და მის უშუალო დაქვემდებარებაში უნდა იყოს ამ გად-

აწვევტილებათა ნორმალური ფუნქციონირებისათვის არსებული ყველა რგოლის ხელმძღვანელი, არ უნდა იზღუდებოდეს მისი უფლებები, რომ მოიწვიოს ნებისმიერი თანამდებობის პირი და მოსთხოვოს სათანადო ინფორმაცია.

გაუმართლებლად მიმაჩნია ისეთი კუდაბზიკობანა, როცა მინისტრი პრეზიდენტთან არ მიდის პრემიერთან შეთანხმების გარეშე. ქვეყნის ხელმძღვანელებს ყოველდღიური ადამიანური ურთიერთობები უნდა ჰქონდეთ ერთმანეთთან და არა მარტო პროტოკოლური. ვისაც როგორ უნდა ისე ასწიოს ცხვირი, ხალხმა კი ყოველთვის იცის, ვინ ერეკლეა და ვინ თეკლე. პრემიერის ძირითად ფუნქციებში კი ქვეყნის ეკონომიკური მდგომარეობის და შიგააღმშენებლობის საკითხები უნდა შედიოდეს. ქვეყნის შიგნით იმდენი მოსაგვარებელი საქმეა, რომ მთავრობას როგორც იტყვიან, თავის მოსაფხანს დრო არ უნდა ჰქონდეს და ნაკლებად უნდა ესწრაფოდნენ საზღვარგარეთ ვიზიტებისაკენ. უნდა დაწესდეს საპარლამენტო კონტროლი სახელმწიფოში არსებულ ნებისმიერ უწყებაზე და მათი პასუხისმგებლობა და ანგარიშვალდებულება პარლამენტის წინაშე, რადგანაც პარლამენტი არის მისი უდიდებულესობის ხალხის მიერ არჩეული ერთობლიობა, ხოლო მინისტრები და მისთანანი კი წარმოადგენენ ცალკეულ პირთა სიმპათიით შერჩეულ პაიკებს, რომლებიც შეიძლება ცვალოდნენ გინდა და რამდენჯერაც გინდა, თუ ისინი შენს ჭკუაზე არ გაიფლიან და არ გელაქუცებინან. მე რომ კანონმდებელი ვიყო, კონსტიტუციითვე განვსაზღვრავდი სამინისტროთა რაოდენობებს და სახელწოდებებს. ჩემი თვალსაზრისით, საჭიროა ათამდე სამინისტრო, მათ შორის, თავდაცვის, შინაგან საქმეთა, საგარეო საქმეთა, ეკონომიკური განვითარების, სოფლის მეურნეობის, ფინანსთა, ჯანდაცვის, კავშირგაბმულობის, სატრანსპორტო და განათლების. ყველა დანარჩენი დარგების სამართავად შევქმნიდი სახელმწიფო კომიტეტებს ან მონათესავე დარგის სამინისტროების სტრუქტურაში გაეთვალისწინებდი დეპარტამენტებს, რომლის ხელმძღვანელობას დავავალებდი მინისტრის ერთ-ერთ მოადგილეს.



სიზუსტის პრეტენზია არ მაქვს, მაგრამ გამიგონია, რომ თითქმის მილიარდიან ინდოეთს 8 სამინისტრო აქვს. ახლა მიმდინარეობს საუბარი ახალი საკონსტიტუციო ცვლილებების შესახებ და კარგი იქნება თუ ველირსებით ისეთ კანონებს, რომლებიც მორგებული არ იქნება ერთეულთა ინტერესებს. წერილი ერთი ანდახით მიხდა დავამთავრო: მამაღმა თქვა, მე ვივივლებ და გათენება ღმერთმა იცისო. ვისაც ყური აქვს, ისმინოს.

რევაზ გრიგალაშვილი

თია ხუჩიანი მკობარი ქვეყნის მართლმართლის მიხედვით, რიგითი ქართველისგან

როგორ ხარ, მიხეილ? ხომ ხარ ისე, მტერს რომ გული გაუსკდეს და მოყვარეს სიხარულისგან გააყრუოლოს? ჩვენც ვართ ნელ-ნელა, შენგან დავიწყებული. კაცო, მზე და მთვარე ჩვენზე ამოვიდოდა, საქართველოს ხსენებაზე ცრემლით გვესებოდა თვალები და ასე უკანმოუხედავად წასვლა იქნებოდა? ვერ გამოვივიდა ეგ კარგად.



მიხეილ, რამდენიმე დღის წინ ვიყურე ტელევიზორში და ოდნავადაც არ შეცვლილხარ, ასე რამ შეგაყვარა ჩაი, რომ დალევის შანსს არ უშვებ ხელიდან? ოდესის კაფე რომ ააფეთქეს და, როგორც გჩვევია, ჯიქურ მიაჭერი, კაფეა, მიდექი-მოდექი, ლუდი მოითხოვე ან კოქტეილი (გუბერნატორ კაცს მაგაზე ვინ გეტყვის უარს) პირდაპირ ჩაის რომ ეცი, მანდაც შევარდნაძე ხომ არ არის?! ისე, შენი მორიდების ამბავი რომ ვიცი, უშაქროს დალევდი. ეგრეც არ შეიძლება, ცოტა თავი დაიფასე, თორემ ხომ ხელავ, მაგ მორიდების გამო ისეთი

დაბალი ხელფასი დაგინიშნეს, ეგეთი ანაზღაურება, შენ კი არა ჭიათურის „მალაროელის“ მესამე მკარეს არ აქვს. ისე, შენც კაი ვინმე ხარ, ხელს რომ აწერდი თანამდებობაზე დანიშვნას, ხელფასის გრაფაში არ ჩაიხედე? ჰოდა, თუ ეგ ხელფასი გეცოტავება, ჩამოდი აქ, შენთვის წყნარად იჯდები, არც ქურდებთან „კაჩაობა“ მოგიწევს, ჩაიც უფასოდ გექნება, თუ მოითხოვ კომპიუტერსაც მოგიტანენ და თან გიგის, ვანოს და ბაჩოსაც ინახულებ. დაფიქრდი მიშა, „დარმაგვი“ ფულზეა ლაპარაკი და თან ალაღზე და დაუყვედრებელზე. ერთი საყვედური კი უნდა გითხრა, შენ რომ თქვი, - მე ვაპირებ ამ საღამოს ჩაი დავლიო კაფეში „У Ангеловых“ და სოლიდარობის ნიშნად ამისკენ ოდესელებსაც მოვუწოდებო, მაგ სოლიდარობაზე გამახსენდა, სად იყავი 13 ივნისს? ისე გვჭირდებოდა სოლიდარობა, ვერც წარმოიდგენ, მაგრამ ჩემმა დასაბრმავებელმა თვალებმა ვერ დაგინახეს და დავიჯერო, ჩემს უნახავად გააკეთე რამე?! მართალია პატარა ხელფასი გაქვს, მაგრამ მაგ ხელფასიდან ერთი-ორი გრინგა მაინც გადმოგერიცხა ამ გაჭირებული ხალხისთვის. ვიცი, შენ დაფარული მაღლისკენ ხარ მიდრეკილი და მთელ ხელფასსაც გადმორიცხავდი, მაგრამ ხო იცი, ხალხი როგორია, ამიტომ დაანახე, მიხეილ, დაანახე...

რა წერილში დასაწერია, მაგრამ ეს რა ფარსავი ამბავი დამართნია სანდრო კვიციანი-ვილს. როგორ გეიმედებოდა ეგ ბიჭი და არ მოგჭრა თავი მთელი უკრაინის მასშტაბით?! მომეწონა, რომ თქვი, - კვიციანიშვილი უნდა გადადგეს და მის მაგივრად მეტად აგრესიული ადამიანი უნდა ვნახოთო. უპ, გამბურძლა რომ ვუსმენდი, ძველი მიშა გამახსენდა, რომლის შიშით თურმე პუტინს ძიღში შფოთვა და სიარული დასჩემებია... სხვა რა გითხრა? ჩვენ როგორ ვართ, კი გეცოდინება, გვენატრები და გვაგონდები. ჩავრთავ ხოლმე შენი გამოსვლის ვიდეოებს და ვუყურებ, იმდენ ცრემლს ვღვრი, ერთჯერადი ხელსაწმენდების კომპანიამ სპეცპრიზით დამაჯიღლოვა. ახლა უნდა დაგემშვიდობო, გკოცნი ბევრს,



შენი სურამელი

ქართული გენის გაელვება სურამში

(დასასრული)

ლი ქართული ურთიერთობები.

ყველა ასაკისთვის მოიძებნებოდა თავშესაქცევი: ბავშვები ცხენებს დასდევდნენ და ატრაქციონებს სტუმრობდნენ, ახალგაზრდები

ისწინებული არ ყოფილა ამ ფესტივალის ხარჯები, ჩვენ ყველანაირად შევეცადეთ და გამოვნახეთ კიდევ თანადაფინანსების წყარო. ყველაფერი ისე გამოვიდა, როგორც ჩაფიქრებული გვქონდა. მიხარია, რომ ამდენ გაღიშებულ სახეს ვხვდავ. ასეთი მასშტაბის



ერთმანეთს უზიარებდნენ საკუთარ შემოქმედებას, ფანდურების, ტამტამების და სხვა საკრავების ხმა ართობდა ფესტივალის დაწყების მომლოდინე სტუმრებს, უზიარებდნენ შთაბეჭდილებებს, თუ რომელი ტილო, რეწვის რომელი ნიმუში იყო მათთვის საინტერესო და რომელი შეარჩიეს საჩუქრად.

კონცერტი შუადღისთვის დაიწყო და თემატურად ადგილობრივმა ფოლკლორულმა ანსამბლებმა გახსნეს, შემდეგ შიდა ქართლის წარმომადგენლები შეუერთდნენ, რაჭიდან სპეციალურად მოწვეულმა ანსამბლმა "სავალობელმა", დათუნის სხირტლაძესთან ერთად, ნამდვილ რაჭულ ფოლკლორს აზიარა მსმენელი. "შავფაროსნებმა" ქართული, საბრძოლო, ვაჟკაცური ცეცხლი დაანთეს, გვანჩვენეს, რისი წყალობით გადარჩა ქართული სახელწიფო და გენი გადაშენებას. ემოცია კიდევ უფრო გააძლიერა "ჩვენებურების" გამოსვლამ. "ფრანმა" ფესტივალის დასკნითი აკორდი აიღო და დამის სურამმა კიდევ ერთხელ იგრძნო, რამხელა საჩუქარი გაუკეთა არტ-გენმა.

ერთნაირად კმაყოფილი იყვნენ, ორგანიზატორებიც, ადგილობრივი ხელისუფლების წარმომადგენლებიც. ფესტივალის მონაწილეებიც და სტუმრებიც. არტ-გენმა გაამართლა მრავალკვირიანი მოლოდინი!

გიორგი გურასპაშვილი-ხაშურის მუნიციპალიტეტის გამგებელი:

- მიუხედავად იმისა, რომ წლებადეულ ბიუჯეტში გათვალ-

ფესტივალისათვის ჩვენს მუნიციპალიტეტს არასდროს უმასპინძლია და მადლობა ღმერთს, რომ ჩვენ ეს შევძელით. ჩვენი მოსახლეობა, სურამი, ხაშური, მთელი რაიონი იმსახურებდა ასეთ დღესასწაულს და მიიღეს კიდევ ეს საჩუქარი. რა თქმა უნდა, გვქონდა ერთგვარი შიში, რადგან გამოცდილება გვაკლდა ასეთი მასშტაბებისთვის, მაგრამ ახლა უკვე თამამად ვუყურებთ მომავალს და იმედია, უფრო დიდი ფესტივალის ორგანიზებასაც შევძლებთ მომავალში.

ირაკლი აფხაიძე - ფესტივალის თანაორგანიზატორი და "ჩვენებურების" წევრი:

-ფესტივალი პირველად 2004 წელს გავაკეთეთ, მიზანი, საქართველოში გაფანტული, მივიწყებული ფოლკლორი და რეწვის ნიმუშების დაბრუნება და შენარჩუნება იყო, რომელიც დროსთან ერთად იკარგებოდა. თავდაპირველად თბილისით შემოვიფარგლებოდით, 2007 წლიდან რეგიონებშიც გავდივით, რაც ძალიან საინტერესო აღმოჩნდა. წელს სურამი შევარჩიეთ და, ჩემი აზრით, გაამართლა, შევარჩევთ საუკეთესო ფოლკლორულ ანსამბლს, ინდივიდუალურ შემსრულებელს, რეწვის საუკეთესო ნიმუშს, რომელიც უკვე თბილისში, ეთნოგრაფიის მუზეუმში გამართულ დასკვნით კონცერტში მიიღებს მონაწილეობას."

სადღაც კუთხეში მოხუცი მამაკაცი იჯდა, წინ გაშლილი მუსიკალური საკრავებით, დაკვირვებით უყურებდა მისი ნახელავით მოხი-

ბლულ დამთვალეირებელს, გაკვირვებულები რომ უყურებდნენ, პატარა ზომის ფანდურებს, კოლოფის ყუთში

რომ ასეთი ორგანიზება იქნებოდა და ასეთი სანახაობრივი გამოდგებოდა. რამხელა სიმდიდრე გვაქვს



5 ცალი ეტევაო, ეუბნებოდა, მომართულიაო, დიდ შრომას მოითხოვსო:

ანზორ ბლიაძე (ბორჯომი)-1985 წლიდან ვაკეთებ ფანდურებს, ბევრმა მათგანმა დიდი მოწონება დაიმსახურა მრავალ გამოფენაზე. ვაკეთებ მინიატურულ მოდელებსაც, რომლის კეთება ძალიან დიდ შრომას მოითხოვს. მეტიორით მოჩუქურთმებული ფანდურის საშუალო ღირებულება 250 ლარია, ცაცხვისგანაა დამზადებული და საუკეთესო

ქართველებს, რაც შეგვიძლია ერთმანეთს ვაჩვენოთ და თავი მოვიწონოთ. მხოლოდ თბილისი არაა საქართველო, რეგიონებში უფრო დიდი კულტურული ფასეულობებია, რომელსაც გამოტანა და ჩვენება უნდა, რომ არ დაგვაფიწყდეს, არ დაიკარგოს, ის რაც ქართულია. ვისურვებდი, ასეთ ფესტივალს, მუდმივი ხასიათი ჰქონდეს და ხაშურის და სურამის მოსახლეობას მოგვეცეს მსგავსი სიამ-



ულერადობა აქვს. სამწუხაროდ, დღეს ნაკლები მოთხოვნილებაა და თითქმის ვეღარც ვაკეთებ. ძალიან გამიხარდა, როცა ამ ფესტივალზე დამპატიყეს, მომავალ თაობას შეგვიძლია, ვაჩვენოთ, რა კულტურული სიმდიდრის პატრონები ვართ, რითი შეგვიძია ვიამაყოთ. გული მწყდება, რომ ჩემი საქმის გამგრძელებელი ძალიან ცოტაა საქართველოში.

ლაშა ნინიაშვილი (ხაშურის მცხოვრები):

-რაიონის მოსახლეობა, სამწუხაროდ, არ ვართ განებივრებული ასეთი ფესტივალებით, არც ველოდი,

ოვნების განცდის შესაძლებლობა.

ყველაფერს აქვს თავისი დასაწყისი და დასასრული... დასანანი, როცა სრულდება ის, რამაც მხოლოდ კარგის, ამადლებულის განცდა დაგიტოვა, რომელსაც ელოდი და "მოსვლა" გაამართლა. თუმცა, იმედი მაქვს, ამით არ სრულდება, არტ-გენი იყო ერთგვარი ტესტი, რომელიც მომავალში საფუძველი გახდება არაერთი ფესტივალის სტუმარ-მასპინძლობის.

თამარ ჯავახიშვილი



ის ახსოვს ქვიშეთს

ქვიშეთში თბათვის სურნელი ტრიალებს...სოფლის ცენტრში თავმოყრილი ახალგაზრდები, იქვე მადლ ადგილზე გაკრულ ავიმას კითხულობენ. ის ახსოვს ქვიშეთს... მურად ლონდაძის ხსოვნის საღამო. ქვიშეთის კულტურის სახლი და დიმიტრი ყიფიანის სახლ-მუზეუმი, ქვიშეთელის მურად ლონდაძის ხსოვნისადმი მიძღვნილ ღონისძიებაზე ეპატივება... და აი, 2015 წლის 28 ივნისი. ქვიშეთის კულტურის სახლში ხალხმრავლობა. მონიტორიდან მურად ლონდაძე გვიმზერს... ამ სახლის ყოფილი მამასახლისი... ლობჯიანი, რომელსაც დღემდე არ გამოუწვლია შემცველი... პირუნიკა, რომელიც, მიუხედავად ათასგვარი ქარტახილისა „წუთისოფელს კაცად შერჩა ბოლომდე...“ „არდავიწება მოყვრისა არიდეს მოგვეცემს ზიანსა“... იცის ეს ქვიშეთში... ამ კაცს ხომ ქუდად ქვიშეთის ზეცა ეხურა და, მიწა მისი ეცვა ქალამანდ... ხსოვნის საღამო საგალობლით გახსნა ქვიშეთის მაცხოვრის ადვოკატის ეკლესიასთან არსებულმა მგალობელთა გუნდმა (მედავ კაკიაშვილი, ახა ჩანაძი, ნინო გოგალაძე)... ერთმანეთს ენაცვლებოდა სიმღერა, ცეკვა, სიტყვა... მურად ლონდაძე-ოფიცერი, ტოპოგრაფი, ფეხბურთელი, მსახიობი, პედაგოგი, მხატვარი, პოეტი, თავისი ქვეყნის დიდი მოყვარული, ქართული ხალხური ფოლკლორის გულშემბატოვარი და მოამაგე. სწორედ ამ სფეროს ემსახურა დიდი რეზონანსით და ცოდნის მარცვლით მარგალიტებდა აზნა მომავალი თაობის წიაღში... ყოველივე ამაზე, ღონისძიების ერთ-ერთი ორგანიზატორი, მისი ყოფილი კოლეგა, მანანა ჩხეიძე ესაუბრებოდა დამსწრე საზოგადოებას... ფორტეპიანო, საღამური, ფანდური, ხონგური, გიტარა, ალფა, კონტრაბასი, აკორდეონი, გარმონი... ყველა ამ ინსტრუმენტს ფლობდა და იმორჩილებდა მისი ფაქიზი სული და ხელი. მან პირველმა ჩამოაყალიბა ქვიშეთში ქართულ ხალხურ საკრავთა ორგანიზაცია და არაერთი ღამეა იმორჩილებდა ქვიშეთის კულტურული ცხოვრების ისტორიას. რესპუბლიკური ფესტივალების ცხრაგზის ლაურეატს გაბედულად გაჰყავდა თავისი აღზრდილები რაიონულ თუ რესპუბლიკურ ოლიმპიადებზე, საიდანაც ყოველთვის წარმატებულები ბრუნდებოდნენ. (ხაშურის მხარეთმცოდნეობის მუზეუმში ინახება მისი საინტერესო არქივი). ღონისძიება მუსიკალური ნომრებით გააღება მისმა ყოფილმა მოსწავლეებმა: გიორგი შუბითიძემ, გიორგი გრიგალაშვილმა და აწ უკვე კონსერვატორიის სტუდენტმა დევიან ტაბატაძემ. (დევიანის წარმატებებზე ცალკე უნდა დაიწეროს) მურად ლონდაძის ხსოვნას, მუსიკალური ნომრებით პატივი მიაგო ცხინვალელმა კურნალისტმა, პოეტმა და მუსიკოსმა, დიმიტრი ყიფიანის სახლ-მუზეუმის თანამშრომელმა შოთა დარბაზაშვილმა. მასზე, როგორც ხალხი იუმორის გრძობით აღსავსე, მრავალი საუკეთესო თვისებებითა და ნიჭით დაჯილდოებულ მეგობარზე, ისაუბრეს: ხაშურის საკრებულოში ქვიშეთის წარმომადგენელმა დევიან ტაბატაძემ, მურად ლონდაძის უახლოესი მეგობრის, ერთ-ერთი ქვიშეთელი კოლეგის, ომარ ჩანაძიის ვაჟმა-არჩილ ჩანაძიამ. დიმიტრი ყიფიანის სახლ-მუზეუმის ამჟღავნებელი მეცნიერმუშაკმა, ისტორიკოსმა, „ქვიშეთი, ჩემი ქვიშეთი“-ს თანაავტორმა, ლობჯიანის ბავშვობის მეგობარმა, გივი გელაშვილმა, ათეული წლების მანძილზე ქვიშეთის საკრებულოს ყოფილი თამაჯდომარემ, ისტორიკოსმა, „ქვიშეთი, ჩემი ქვიშეთი“-ს ავტორმა კლიმენტი სუთიაშვილმა, ქვიშეთის კულტურის სახლის ამჟამინდელმა დირექტორმა, პოეტმა და მხატვარმა-ალექო ლონდაძემ, მურად ლონდაძის ყოფილი მოსწავლე, ისტორიკოსმა ჯამბულ გულუნაძემ და სხვ. კულტურის მუშაკებს თანადგომა გამოუცხადეს და ყოველივე ეს კეთილშობილური ექსტრეზი გამოხატეს ქვიშეთის აღმინისტრაციული ორგანოს ხელმძღვანელმა მალხაზ ლონდაძემ და სპეციალისტმა მარიამ კიკაძემ. ხსოვნის საღამოზე საინტერესო პროგრამით წარსდგა ქვიშეთის კულტურის სახლთან



ბოთა და ნიჭით დაჯილდოებულ მეგობარზე, ისაუბრეს: ხაშურის საკრებულოში ქვიშეთის წარმომადგენელმა დევიან ტაბატაძემ, მურად ლონდაძის უახლოესი მეგობრის, ერთ-ერთი ქვიშეთელი კოლეგის, ომარ ჩანაძიის ვაჟმა-არჩილ ჩანაძიამ. დიმიტრი ყიფიანის სახლ-მუზეუმის ამჟღავნებელი მეცნიერმუშაკმა, ისტორიკოსმა, „ქვიშეთი, ჩემი ქვიშეთი“-ს თანაავტორმა, ლობჯიანის ბავშვობის მეგობარმა, გივი გელაშვილმა, ათეული წლების მანძილზე ქვიშეთის საკრებულოს ყოფილი თამაჯდომარემ, ისტორიკოსმა, „ქვიშეთი, ჩემი ქვიშეთი“-ს ავტორმა კლიმენტი სუთიაშვილმა, ქვიშეთის კულტურის სახლის ამჟამინდელმა დირექტორმა, პოეტმა და მხატვარმა-ალექო ლონდაძემ, მურად ლონდაძის ყოფილი მოსწავლე, ისტორიკოსმა ჯამბულ გულუნაძემ და სხვ. კულტურის მუშაკებს თანადგომა გამოუცხადეს და ყოველივე ეს კეთილშობილური ექსტრეზი გამოხატეს ქვიშეთის აღმინისტრაციული ორგანოს ხელმძღვანელმა მალხაზ ლონდაძემ და სპეციალისტმა მარიამ კიკაძემ. ხსოვნის საღამოზე საინტერესო პროგრამით წარსდგა ქვიშეთის კულტურის სახლთან

არსებული ქორეოგრაფიული ანსამბლი „მოაწმინდა“. (ხელმძღვანელი ანდრო ტაბატაძე) 1970-იან წლებში ქვიშეთის კულტურის სახლს ხელმძღვანელობდა მეტად საინტერესო ქალბატონი-ნინო გოგიბერიძე, რომელმაც დიდი წვლილი შეიტანა ქვიშეთის კულტურული ცხოვრების გაუმჯობესებაში. მან ჩამოაყალიბა ქვიშეთის თეატრალური დასი, რომელშიც სხვა ქვიშეთელებთან ერთად აქტიურად მონაწილეობდა მურად ლონდაძე. ერთ-ერთი ასეთი სცენა გახლდათ ილია ჭავჭავაძის „ოთარაანთ ქერივი“ (რეჟისორი როინი ლონდაძე). ამ სცენარში გიორგის როლს მურად ლონდაძე ასრულებდა, ოთარაანთ ქერივისას - თამარ ჯიოშვილი, რომელიც თბილისიდან საგანგებოდ ჩამობრძანდა, რათა დაუეწიარი წუთების გახსენებით პატივი მიეგო მეგობრის ხსოვნისთვის. (დღესაც ტკივილით იხსენებენ ქვიშეთელები, თამარის ვაჟის, თეატრალური დასის ყველაზე პატარა მონაწილის, 11 წლის რევაზ ტყეშელაშვილის ტრაგიკულ აღსასრულს. სწორედ ამ უბედურმა შემთხვევამ განაპირობა ქვიშეთიდან მათი ოჯახის გადასვლა თბილისში.) -მე ბედნიერი ვარ და თან ძალიან ამაყი! - ამ სიტყვებით მიმართა საზოგადოებას მურად ლონდაძის დის შვილი, პოეტმა და პედაგოგმა მარიკა ორჯონიკიძემ. მან ლობჯიანის დედამამიშვილებისა და მათი შვილების სახელით დიდი მადლობა გადაუხადა ყველას, ვინც მონაწილეობა მიიღო ესოდენ კეთილშობილურ საქმეში. დღემდე ცრემლმუქრობელ თვალში დღეს, სიხარულის, სიამაყის და მადლიერების სხივი უერთობდა ქალს, რომელსაც არამარტო მოვალეობა და უღელი აკავშირებდა ხელოვანთან, არამედ დიდი პატივისცემა და სიყვარული. იგი იყო მისი დიდი გულშემბატოვარი ტკივილსა და სიხარულში. სოფლის დამსახურებულ ბიბლიოთეკარს, არაერთი ღონისძიების ინიციატორს, კარგად ესმოდა, რომ სწორედ უკამობის ჯამს სჭირებდა სოფელს მათი თანადგომა. სწორედ დიდი გულშემბატოვლის დიდი და ხანგრძლივი ბრძოლის შედეგია, რომ სუბმათაშვილების სასახლიდან ავარიული მდგომარეობის გამო უსახლკაროდ დარჩენილი „კულტურის სახლი“, უფუფრედ დარჩენილ დევიან ტაბატაძის სახელობის საჯიბო დარბაზში განთავსდა... მანამდე კი მურად ლონდაძის ოჯახი იყო კულტურის კერა ხალხურ საკრავთა შესწავლის მსურველი ბავშვებისათვის. (თვითმხილველი ვარ, როგორ უშრობდა ლემელთან წინდებს თოვლ-ჰეაში და სველებზე ბავშვებს ქალბატონი დოლო)

... ჩემგან გამოვიდოდა ჭირისათვის მან მე შემოიყვარა, მე შევიყვარე ჩემთა ჭირთა თანადგომისთვის... არ მიხმარია ამის მეტი ჯადო-თილისმა...“ ორივეს თამაზდ შეეძლოთ გამოეყვანებინათ შექსპირის ეს სიტყვები. მათ სიყვარულზე ხომ ლეგენდები დადიოდა ქვიშეთში... ღონისძიებას ესწრებოდა ხაშურის მუნიციპალიტეტის გამგებელი გიორგი გურასაშვილი და მისი მოადგილე ზურაბ ჩხატარაძე. ასევე, ხაშურის კულტურის სახლის წარმომადგენლები. მათ დადებითად შეაფასეს ღონისძიება და მრავალი საინტერესო დღე უსურვეს ქვიშეთელებს.



ის ახსოვს ქვიშეთს
 ის ახსოვს ქვიშეთს...
 დღესაც ეს ცა ისე ღურჯია,
 ისე სუფთაა, როგორც მისი
 სულის სარკმელი,
 სოფლის სინდისად
 მონათლულ კაცს
 გზა გაუვლია,
 ხად ყოველ ნაბიჯს
 სდევდა სუნი,
 სანთელ-საქმელების..

სურათებზე: გადაღებულია როლის შესრულების დროს. სცენა სპექტაკლიდან „ოთარაანთ ქერივი“. ფეხზე დგას მურად ლონდაძე (გიორგი), ქვემოთ შალვა გომარელი; წინა პლანზე, (მარჯვნიდან) მურად ლონდაძე, გივი კვიციანი (დგას) და ლაურა ლონდაძე.

მადლით ნაშენები ქვეყანა

რკინიგზის პროფკავშირებისა და რესპუბლიკური საავადმყოფოს საჩუქარი ხაშურელებს!

ყველა ადამიანს ერთნაირად ეძლევა უფლისაგან სიკეთეც და ბოროტებაც, მთავარია, თვითონ ადამიანი რომელს განავითარებს საკუთარ თავში. ამბობენ, რომ სიკეთე უფრო რთული საკეთებელია, ბევრი წინააღმდეგობებით, მაგრამ დიდი სულიერი კმაყოფილებით გავსებს ადამიანს. ეს ჩვენი, ქართული გენეტიკაა. ცოტანი ვართ, ძალიან ცოტანი-აქ მადლიც და ბოროტებაც ადვილად დასახსია.



4-5 ივლისს, საქართველოს რკინიგზის პროფკავშირებმა, არა მხოლოდ რკინიგზელებს და მათი ოჯახის წევრებს, არამედ მთლიანად ხაშურის მოსახლეობას, მორიგი საჩუქარი გაუკეთა, უფასო სამედიცინო დახმარების ხასით. რესპუბლიკური საავადმყოფოს საინიციატივო ჯგუფმა, რომელიც ორი წელია ძალიან დიდ ქველმოქმედებას ეწევა საქართველოს მასშტაბით (კონფლიქტის ზონების ჩათვლით), უანგარო სამედიცინო კონსულტაციები და ლაბორატორიული კვლევები ჩაუტარეს მოსახლეობას. აქცია საქართველოს რკინიგზის პროფკავშირებსა და რესპუბლიკურ საავადმყოფოს შორის გაფორმებული ურთიერთთანამშრომლობის შემორანდუმის საფუძველზე ჩატარდა. ორი დღის განმავლობაში, ექიმების 17 კაცთანაშემაღვენიერვოლოგი, ნევროპათოლოგი, ქირურგი, თერაპევტი, კარდიოლოგი, ენდოკრინოლოგი, ოფთალმოლოგი, ექოსკოპისტი, ლაბორატორია), სამედიცინო დახმარება გაუწია ყველა სოციალური ფენისა და ასაკის

ადამიანებს, მოახდინეს მათი ინფორმირება სადაზღვეო პროგრამებთან დაკავშირებით და მედიკამენტები გადასცეს. ექიმების თბილმა მიდებამ, პროფესიონალიზმმა, მოსახლეობის დიდი კეთილგანწყობა გამოიწვია. მიიმე სამედიცინო დიაგნოზის პაციენტებს, რკინიგზის პროფკავშირმა სახელმწიფო პროგრამებთან ერთად, დახმარება აღუთქვა. ზურაბ ნასარიძე-საქართველოს რკინიგზის პროფკავშირის თავმჯდომარე; -წელს, რკინიგზის პროფკავშირის 110 წლის იუბილე აქვს. ამასთან დაკავშირებით,

რამდენიმე სოციალური პროექტი დაგეგმეთ. პირველი და ყველაზე მნიშვნელოვანი ჩვენი თანამშრომლების და მათი ოჯახის წევრების ჯანმრთელობა და მათი უფასო სამედიცინო გამოკვლევაა. ასევე, სურამსა და ქობულეთში დახვეწება შედგათიანი პრობლებით, ყველა რკინიგზელთათვის. ვგეგმავთ სოციალური ტიპის პროექტს, იმ სოციალურად დაუცველი ბავშვებისათვის, რომლებიც ჩვენ ზრუნვას და ყურადღებას მოითხოვენ. კონცერტით და საჩუქრებით, მათი ერთი ჩვეულებრივი დღის გაღამაზებას შეეცდებით. რაც შეეხება, დღევანდელ სამედიცინო აქციას, რესპუბლიკურ საავადმყოფოსთან გაფორმებული შემორანდუმის ფარგლებში, ეს რიგით მესამეა. თბილისის და სამცხრდიის შემდეგ (რადგან ხაშური ძალიან საყვარელი ქალაქია ჩემთვის), გადავწყვიტეთ, ხაშურის მოსახლეობისთვისაც გავგეგოთ საჩუქარი. სოლო რკინიგზელთათვის გვაქვს დამატებითი სამედიცინო შედგავთები. რკინიგზის დეპარტამენტის ხელმძღვანელობის გადაწყვეტილებით, ყველა რკინიგზელს გაწეული სამედიცინო დახმარება 50%-ით აუნაზღაურდება, მათ შორის მედიკამენტებიც (400 ლარის ფარგლებში).

მაკა ბულიაშვილი - პროფესორი, მეცნიერებათა დოქტორი - ორი წლის წინ, გერმანიიდან დაბრუნების შემდეგ, გადავწყვიტე გამეკეთებინა საინიციატივო ჯგუფი, რომელიც საშუალებას მომცემდა დავხმარებოდი იმ რეგიონებს და ადამიანებს, რომლებსაც ყველაზე მეტად უჭირთ. შემომიერთდნენ ჩემი მეგობრები, რომლებთან ერთადაც უკვე 32 რეგიონი მოვიარეთ. ვიყავით საქართველოს მაღალმთიან სოფლებში, ხევსურეთში, პანკისის ხეობაში, ჩხოროწყის სოფლებში, სადაც ადამიანებს ყველაზე მეტად ჭირდებათ სამედიცინო დახმარება და ადამიანური თანადგომა.

არც საზღვრისპირა რეგიონები დაგვრჩენია უფურადღებოდ. ძალიან მიხარია, რომ რკინიგზის პროფკავშირების დახმარებით, მომეცა საშუალება, ხაშურის მოსახლეობასაც დავხმარებოდი, რადგან ხაშური ჩემი დეუღლეთია და ბევრი კარგი მოგონება მაკავშირებს. მზად ვარ, მომავალშიც საჭიროების შემთხვევაში, შეძლებისდაგვარად დავხმარო ჩემს ხაშურელებს.

P.S. მიუხედავად ჯანდაცვის მრავალი პროგრამისა, რომელიც ნამდვილად კარგად მუშაობს და საქართველოს თითქმის ყველა მოქალაქეს აქვს შესაძლებლობა, იზრუნოს საკუთარ ჯანმრთელობაზე, ამ, ორდღიანმა აქციამ, ხაშურის მოსახლეობას დაუტოვა განცდა, რომ სახელწიფოს გარდა, არსებობენ ადამიანები, ორგანიზაციები, რომელთათვისაც მათი კეთილდღეობა მნიშვნელოვანია! საქართველოს რკინიგზის პროფკავშირები, ყველა რკინიგზელს მოუწოდებს, ჯანმრთელობის პრობლემებთან დაკავშირებით, ინფორმაციისათვის, მიმართონ ხაშურის რკინიგზის პროფკავშირის ორგანიზაციას. ქ. ნინო ბუკიანიშვილს. ტელ: 16-35-69.



მეზობელო კარისაო...

არაერთი უცნობი არაა, რომ ქართველების ყველაზე დიდი დიასახლეა დღეს საბერძნეთში. ისინი ათასგვარ სიტუაციასთან ერთად, სამშობლოს მინატრების უსამართლო დარდაც ებრძვიან და ერთმანეთთან სიახლოვეთ, ერთმანეთის სიყვარულით იქავედნენ სხვადასხვა სივრცეებში. საბერძნეთში გამომავალი ქართული ემიგრანტული ჯგუფი „კლავო“ სწორედ ამ სივრცეებში შექმნილი ერთ-ერთი საშუალებაა. უცნობი უკვე წლებია პერიოდულად გამოდის. ერთ-ერთ პილოტულად, პატარა წერილი საშუალო ქალბატონს, ცნობილ მუსიკოსს და შემოქმედს ნანი გაჩეჩილაძეს ეძღვნება. მისი ავტორი კი შესანიშნავი პოეტი თინა ნადირაძე გახლავთ. დღეს უცვლელად ვთავაზობთ ამ წერილს

დიდი ხანია, რაც ჩემს ქვეყანას გამოვემშვიდობე და დავეტოვე ჩემთვის ძვირფასი ადამიანები. შორეულ საბერძნეთში, შრომაში ჩაბმულმა, ვერც კი გავიგე, როგორ გამეპარა წლები.

ვისაც ემიგრანტული ცხოვრება გამოუცდია, მან კარგად იცის, რა მტანჯველია ნოსტალგია, შორეულ ქვეყანაში უფრო კარგად ხვდები, რა ძვირფასია შენი ქვეყანა და ახლობლები, მეზობელი, რომელიც ყოველ დღით გაგიღიმიებს და „დილა მშვიდობისას“ გისურვებს, ჭირშიც შენ გვერდითაა და ღხინსაც პირველი ის იზიარებს.

ეს პატარა წერილი საქართველოში ჩემს მეზობლად მცხოვრებ ერთ სულით ღამაზე და კეთილ ქალბატონს, ნანი გაჩეჩილაძეს ეძღვნება, რომელმაც თავისი სიკეთით ბევრს გაუნათა გული, ბევრი მადლიერი ჰყავს და მის სახელს დაუფარავე სიხარულით და სიყვარულით ახსენებს. იგი მართლაც ერთ-ერთი თვალმარგალიტია ხაშურის რაიონის ინტელიგენციისა.

ქალბატონმა ნანიმ მრავალი ახალგაზრდა გამოზარდა და დააყენა ცხოვრების სწორ გზაზე. თავადაც ბრწყინვალე შვილი გაუზარდა ქვეყანას, რომელმაც კარგი ოჯახი შექმნა და ხუთი შვილიშვილითაც გაახარა დედა.

ნანის მადლიერთა შორის მე ერთ-ერთი პირველი ვარ, რადგან თავისი მზრუნველობით ყოველთვის იღვანებდა შვილის გვერდით. როდესაც ჩემს ქალიშვილს საშინელი სენი შეეყარა, ნანი გამამხნეველად, დედობრივ სიტყვებს არ იშურებდა მისთვის. მასთან ტელეფონით საუბარი მეც იმედს მინერგავდა გულში. მისი სიტყვები: „შენი შვილი, იცოდე, ჩემიც არის და პირობას გაძღვე, ყოველთვის მის გვერდით ვიქნები, უდევლობას არ ვაგრძნობინებო“, დღესაც არ გამომდის ყურებიდან.

ქართველებს, ზოგადად, მეზობლებისადმი განსაკუთრებული დამოკიდებულება გვაქვს, ვიცით მისი ფასი, ვიცით, რომ თუ გავიჭირდა, სისხლით ნათესავზე ადრე ის მოიბრუნებს დასახმარებლად, გასამხნეველად. „მეზობელო კარისაო, სინათლე ხარ თვალისაო“, ესეც ქართული ანდაზაა და ჩვენს განწყობას გამოხატავს.

ჩემო ძვირფასო ქალბატონო ნანი, შორეული საბერძნეთიდან გილოცავთ ზაფხულის მობრძანებას, გისურვებთ ჯანმრთელობას, შვილის, რძლისა და შვილიშვილების ბედნიერებით გახარებას. დიდხანს გეცოცხლოთ არა მხოლოდ თქვენი ოჯახის, არამედ ჩემი და ჩემი შვილის საიმედოდაც, ისევე, როგორც მრავალი თქვენ გვერდით მყოფისა, მრავალი ბავშვი ალგუზარდოთ კიდევ და კიდევ!..

ამ პატარა წერილს ვატან იმ დიდი სიყვარულის და პატივისცემის გრძობას, რომელიც თქვენს მიმართ გამაჩნია.

იმედია, მალე დაგბრუნდები, დილით ადრე კარზე მოგიკაკუნებთ და გეტყვი: „დილა მშვიდობისა“ ქალბატონო ნანი, როგორ ბრძანდებით?..“
თინა ნადირაძე

“ფრესკა” - "ქართული სულის" ზეიმი

დასრულდა... თუმცა, შთაბეჭდილებები ისევ ახსოვს ხაშურის საზოგადოებას, რომელმაც 30 ივნისს "ქართული სულის" ზეიმი იხილა-სცენაზე იღვა ელენე რატიანი! ერთი წლის წინ დაგეგმილი კონცერტი, 13 ივნისს გარდაცვლილების წუთიერი დუმილით პატივის მიგებით გაიხსნა. შემდეგ იყო პოეზია, იყო "ბასიანის" ქართული მრავალხმიანობა, "ციცინათელას" ტკბილხმოვანება და იყო ცეკვა, ნამდვილი ცეკვა-ცეცხლი ქართული. ანსამბლმა "ფრესკა"-მ საქართველო მოიტანა თავისი ისტორიით, თავისი კდემით, სისადავით და კულტურული სიდიდით. ეს ელენე რატიანის და ბავშვების დანახული საქართველო იყო. პოეტმა მზია ხეთაგურმა ლექსით გამოხატა ემოცია, პოეტმა მანანა დანგაძემ გაიხსენა ელენე რატიანთან შეხვედრის იუმორისტული ისტორია და ლექსი მიუძღვნა ქართველი ქალის მშვენიერების გამოვლინებას ელენეს სახით. ორი ნომერი ელენემ შეასრულა, ერთი შეიღობა, მეორე თანამედროვე მოტივებზე, ფატი სადალაშვილის აკომპანიმენტით.



მთავარი და ყველაზე დიდი საქმე, "ფრესკა" სახე რატიანების და სახე საქართველოსი, ბავშვური გულწრფელობით და "ქართული სულით" აბუნდინებულა ხაშურელ მაყურებელს. ელენე რატიანი - ერთი წელია ამ კონცერტისთვის ვეშაღებით, 13 ივნისს განვითარებული მოვლენების შემდეგ, გადავწყვიტეთ, საქველმოქმედო დატვირთვა მიგვეცა. დიდი მადლობა ჩემს მეგობრებს, ანსამბლ "ბასიანს" სტუმრობისთვის და გვერდში დგომისთვის, ყველა იმ ადამიანს, რომელიც დამეხმარა და დღეს ჩემი სიხარულის მონაწილეა.

როგორც ჩვენთვის გახდა ცნობილი, ანსამბლი "ფრესკა" აგვისტოში საბერძნეთში მიემგზავრება, სადაც "ქართული სულის" უკვდავებას ცეკვით გააცოცხლებს ბერძენი მაყურებლის წინაშე. წარმატებებს ვუსურვებთ ელენე რატიანს და "ფრესკას", და დაველოდებით მორიგ გაბრწყინებას ხაშურის მაყურებლისათვის!
თ. ჯავახიშვილი

"ნამდვილი მამაკაცი" ხაშურის სცენაზე

7-8 ივლისს ხაშურის საქალაქო კულტურის ცენტრთან არსებულმა თეატრმა, გამართა სპექტაკლის პრემიერა "ნამდვილი მამაკაცი", მიველ დე უნამუნოს მოთხრობის მიხედვით. სპექტაკლი საიუბილეო ხასიათის იყო და ეძღვნებოდა მხასიბო ანზორ გაჩეჩილაძის 60 წლის იუბილეს. ბატონ ანზორს კარგად იცნობს ხაშურის თეატრის მოყვარულთა საზოგადოება. მან მრავალი დასამახსოვრებელი სახე შექმნა თეატრში თავისი მოღვაწეობის მანძილზე და ღირსეულად დაიმსახურა მაყურებლის სიყვარული. პიესის ავტორმა და რეჟისორმა, გურამ კაპანაძემ, ნიჭიერ მხასიბოებთან: ანზორ გაჩეჩილაძესთან, ინგა მეტრეველთან, ელზა დოფიძესთან, ელდარ გოგალაძესთან, ლია ცხვირაშვილთან, მიხეილ გაჩეჩილაძესთან და გაბრილ მახარაშვილთან ერთად, დაუვიწყარი სპექტაკლი აჩუქა ხაშურს. სასიამოვნო მუსიკალურმა და მხატვრულმა გაფორმებამ, კოსტიუმებმა, კიდევ უფრო გაამდიდრა სპექტაკლის შინაარსობრივი მხარე. თემატიკა ნაცნობი და მტკივნეული. ერთი შეხედვით, ბანალური სასიყვარულო და ოჯახური ურთიერთობები ესპანური ტემპერამენტით, ზუსტად იმეორება და ძალიან გავდა ქართულ ხასიათს. ოჯახმა ფინანსური პრობლემების გამო, საკუთარი ერთადერთი ქალიშვილი, თავისზე ასაკით უფროს მამაკაცს მიათხოვა და იწყება ოჯახური დრამა. ქალი იყო ნამდვილი ქალი, თავისი ქალური, რომანტიული ბუნებით და სურვილი-ელაპარაკონ სიყვარულზე, ელაპარაკონ ბევრი, ქცევაში გამოხატვის ნაცვლად-ერთადერთი მოთხოვნილება საყვარელი მამაკაცის მიმართ. და მამაკაციც იყო მამაკაცი, რომელიც ქალის რომანტიულ ბუნებას, რომანების კითხვით გამოწვეულ სისულელედ თვლიდა და მამაკაციური ამპარტანებით და სიამოვნო ხაზს უსვამდა თავის "ნამდვილ მამაკაცურ" ბუნებას. არაფრად ავადებდა ცოლის მცდელობას, ეჭვიანობისა საყვარელი მამაკაცი იმ "ფინიების" მეშვეობით, რომლებმაც უარყვეს მისი სიყვარული და მისი ფსიქიურად შეშლილობა გამოაცხადეს. მოვლენები დრამატულად განვითარდა, ქალის მოულოდნელმა გარდაცვალებამ სიყვარულის და ღმერთის არსებობის აღიარებამდე მიიყვანა მამაკაცი და სიცოცხლე თვით-მკვლელობით დაასრულა, თუმცა არასოდეს დაუკარგავს შეგება "ნამდვილი მამაკაცის".
სპექტაკლი შედგა! შესანიშნავმა სამსახიობო დასმა ყველაფერი გააკეთა, რომ მაყურებელი ამ ერთმოქმედებთან დრამას მოეწონებოდა. სასიამოვნოა, რომ ეს კოლექტივი ასე ღირსეულად აგრძელებს იმ უდიდეს თეატრალურ ტრადიციებს, რომელსაც ხაშურში საუკუნის ისტორია აქვს.
თ. ჯავახიშვილი



შიდა ქართლი 9 ივლისიდან ციფრულ მაუწყებლობაზე გადავიდა

მოსახლეობისთვის ცნობილია, რომ 2006 წლის შენევის ხელშეკრულების საფუძველზე, საქართველო ციფრულ მაუწყებლობაზე გადავიდა. ეს პროცესი ეტაპობრივად ხორციელდება და ქვეყნის ზოგიერთ რეგიონში უკვე დაიწყო. შიდა ქართლი ამ პროცესს 9 ივლისს შეუერთდა. მანამდე კი ქვეყნის მასშტაბით მიმდინარეობდა საინფორმაციო შესვენებები. სწორედ ასეთი შესვენება გაიმართა 9 ივლისს ხაშურში, რომელზეც ციფრული მაუწყებლობის საკითხებთან დაკავშირებული მომხმარებლების უფლებებთან დაკავშირებით მოსახლეობას ინფორმაცია მიაწოდეს ეკონომიკისა და მდგრადი განვითარების სამინისტრომ, საქართველოს კომუნიკაციების ეროვნული კომისიის რეგიონულ მაუწყებელთა ასოციაციისა და არასამთავრობო ორგანიზაციის წარმომადგენლებმა.



შესვენებაზე მოსახლეობამ ამომწურავი ინფორმაციები მიიღო აღნიშნულ საკითხებთან დაკავშირებით.

ა(ა)იპ ხაშურის მუნიციპალიტეტის გაზეთი „ხაშურის მოამბე“. დირექტორი გიორგი გოგალაძე.
მისამართი: ხაშური, ტაბიძის ქუჩა №2. ტელეფონი: 24 30 27.
E-mail: Khashurismoambe 2015@gmail.com საბანკო რეკვიზიტები: სს „ლიბერთი ბანკის“ ხაშურის ფილიალი, საიდენტიფიკაციო კოდი 443860984, ბანკის კოდი LBRTGE22, ანგარიში GE80LB0115114434590001.
P-ით მონიშნული სტატია იბეჭდება დაკვეთით გაზეთი იბეჭდება თბილისში. რედაქტორი რობერტ სუხიაშვილი.